
Суюнчи пули учун энди ариза керак эмас!

Давлат хизматлари агентлиги фуқаролар учун яратилган қулайликлар билан яқындан [таништирумокда](#).

Аввалроқ, туғилғанлик ва дафн маросимини ўтказиш учун бериладиган бир маротабалик нафақа пулинин олиш учун ариза йўллаш — Давлат хизматлари марказлари орқали амалга оширилиши бошланганлиги тўғрисида хабар берилган эди.

Ушбу хизматларга талаб юқори бўлгани боис, ДХА мутахассислари улардан фойдаланиш янада қулай бўлиши устида изланишларни олиб бориб, ечимини топишиди.

Эндиликда туғилғанлик тўғрисида гувоҳнома олиш учун ФҲДЁ (оддий қилиб «ЗАГС») бўлимига мурожаат этсангиз, суюнчи пулинин олиш учун ариза маҳсус электрон тизим орқали автоматик тарзда Пенсия жамғармасига юборилади.

Яъни, фуқародан қўшимча вақтини сарфлаб ДХМга ҳам боришининг хам ҳожати қолмади.

«ЗАГС»га мурожаат қилганингиздан сўнг қисқа фурсатда қўл телефонингизга смс-хабар келади. Сиз фақатгина паспорт ва тегишли гувоҳнома (масалан, туғилғанлик тўғрисидаги) билан ўзингизга қулай бўлган «Халқ банки» филиалига бориб белгиланган суюнчи пулларини олиб кетишингиз керак бўлади холос.

Эътибор беринг, илгари суюнчи пулинин олиш учун ариза бергандан сўнг, пулларни фақатгина ҳар ойнинг белгиланган санасидан сўнг ва яаш манзили бўйича кўрсатилган банк филиалидан олишга тўғри келарди.

Энди эса, экстерриториал тарзда исталган банк филиали ва хабар келганидан сўнг ўша кунни ўзида пулларни олиб кетишингиз мумкин! – дейилади ДХА хабарида.

2020-09-11 16:48:06